

石譜小序

漢唐以來所謂石猶是解版文字耳
吾好真石者好真石起於近代如米
海岳翁以奇癖著稱後人類多倣則
物色辨識覈於賈胡進退取舍嚴於
律令又增一家賞鑒好事至溥直千
萬劉劄贗欺者矣元章可謂石顛至

以不理官事為使者所欲案袖中出
石說音愛為竟動使者攫石去無所
問豈其真有所欲愛者乎乃不知寶
晉易宅物今竟歸何所也玩物喪志
達士所淺然物有可以寄意者斯君
子貴焉矣石之為巖壑丘壑類幽人
之貞焉故曰介如石也蓋其為德如

此故無傷於好石譜作於宋山陰杜
季陽氏心其時好使然可謂事小而
辨於物者而刻之則新安程為輿氏
也

東海高出題



雲林石譜目錄

上卷

宋杜季陽

號雲林居士
名縮山陰人

靈壁石

青州石

林慮石

太湖石

無為軍石

歸安石

武康石

崑山石

江峰石

常山石

開化石

澧州石

英石

袁石

平泉石

永康石

刑石

盧溪石

排牙石

品石

涵碧石

吉州石

何君石

蜀潭石

洪岩石

全州石

韶石

袁石

萍鄉石

修口石

中卷

魚龍石

菜石

糯石

階石

登州石

松花石

穿心石

洛河石

零陵石燕

西蜀石

瑪瑙石

瑪瑙石

奉化石

吉州石

金華石

松滋石

菩薩石

于闐石

黃州石

華嚴石

白馬寺石

密石

溜州石

上翁石

螺子石

下卷

栢子瑪瑙石

寶萃石

石州石

鞏石

燕山石

韶石

桃花石

端石

婺源石

通遠石

六合石

蘭州石

鸚鵡石

紅絲石

石綠

無爲石

泗石

礬石

建州石

汝州石

鍾乳石

飯石

墨玉石

南劍石

石鏡

琅玕石

茶葉石

滄石

方城石

登州石

玉山石

杭石

大泚石

青州石

龍牙石

石碁子

分宜石

鍾乳石

美林石譜目錄終

雲林石譜上卷

宋 山陰杜 綰 季陽氏 著

明 新安 程 興 幼 興 氏
胡之衍 平仲氏 閱

靈壁石

宿州靈壁縣地名磬石山石產土中歲久穴深數丈其質為赤泥漬滿土人多以鐵刃遍刮凡三兩次既露石色卽以黃芻筴或竹筴兼磁末刷治青潤扣之鏗然有聲石底多漬土不能盡去者度其頓放卽為向背少有宛轉之勢或多窒塞或質偏朴或欲成雲氣日月佛像或狀四時之景須藉斧鑿修治磨礪以全其美或一兩面或二面若四



面全者卽是從土中生起凡數百之中無一二有得四面者多是石蠟石尖擇奇巧處鐫治取其底頃歲靈璧張蘭臯亭列巧石頗多各高一二丈許峯巒岩竇嵌空具美犬抵亦三面背亦着土又有一種石理踈踈若胡桃殼紋其色稍黑大者高二三尺小者尺餘或如拳大波隨拽脚大山勢鮮有高峰岩竇又有一種產新坑黃泥溝峰巒嵌空奇巧亦須刮治扣之稍有聲但石色青淡稍燥軟易於人爲不若磬山青潤而堅此石宜避風日若露處日久卽色轉白聲亦隨減書所謂泗濱浮磬是也

青州石

青州石產土中大者數尺小亦尺餘或大如拳細碎磊砢未成物狀在穴中性頗軟見風卽勁凡采之易脆不可勝舉其質玲瓏竅眼百倍於他石眼中多爲軟土充塞徐以竹枝洗滌淨盡宛轉通透無峰巒峭拔勢石色帶紫微燥扣之有聲土人以石藥粘綴四面取巧像雲氣枯木怪石欹側之狀

林慮石

相州林慮石地名交口其質堅潤扣之有聲一種出土中采之穴地見石卽尋坑坎處石多倒生向下垂如鍾乳融然皆天然鑿去麓石留石坐如拔許拔山多白載山一坐峰巒下秀高拔或如物狀石色甚碧曾貢入內府有藍關蒼虬洞天凡十餘品各高數寸甚奇異又有一種色稍斑

而後黑臥產土中微有土漬易於洗滌有大山勢四面徘徊無背稍着土千岩萬壑峰巒迤邐頗多嵌空洞穴宛轉相通不假人爲至有中虛可施香爐靜而視之若烟雲出沒岩岫間此石因崇寧年方田相視地脉偶得之大不踰三兩尺至如拳大奇巧百怪

太湖石

平江府太湖石產洞庭水中石性堅而潤者嵌空穿眼宛轉嶮怪勢一種色白一種色青而黑一種微青其質紋理縱橫籠絡起隱於石面遍多坳坎蓋因風浪衝激而成謂之彈子窩扣之微有聲采人攜鎚鑿入深水中頗難得度其巧取鑿貫以匡索浮大舟設木架絞而出之其間稍有

變岩特勢則加就鑄礮取巧復沉水中經久爲風水澗刷石理如生此石最高有五三丈低不踰十數尺間有尺餘唯宜植立軒檻裝治假山或羅列園林庭檻中頗多偉觀鮮有小巧可置几案間者

無爲軍石

無爲軍石產土中連接而生擇其巧者卽斷取之易於洗滌不着泥漬石色稍黑而潤大者高數尺亦有盈尺及五六尺者多作羣山勢扣之有聲至有一段三二尺間羣峰聳拔連接高下凡數十許巉崑澗谷不異真山頃年維揚俞次契大夫家獲張氏一石方圓八九尺上有峰巒高下不知數中谷道相通目之爲千峰石又米芾爲太守獲異

石拜者四面巉岩嶮怪但石苗所出不廣佳者頗難得之

臨安石

杭州臨安縣石出土中有兩種一深青色一微青白其質奇怪無尖峰齒翠勢高者十數尺小者尺餘溫潤而堅扣之有聲間有質朴從而斧鑿修治磨礪增巧頃歲錢唐千頃院有石一塊高數尺舊有小承天法善堂徒弟析衣鉢得此石估直五百餘千其石置方斛中四面嵌空嶮怪洞穴委曲於石罅間植枇杷一株頗年遠岩竇中嘗有露珠凝滴目為醜石元居中有詩略云人眾所增歲惜為磊落姿不隨寒暑易政和間取歸內府此之尤者

武康石

湖州武康石出土中一青色一黃色黑而斑其質頗燥不堅無混然巉岩峰巒雖多透空渲眼亦不甚宛轉採人入穴多臥生意廣闊奇巧處以鐵鑿揭取之或多細碎大抵石性匾側多澗道摺疊勢浙中假山藉此為山脚石座間有險怪突銳者即側立為峰巒頗勝青州穿眼宛轉渾然可觀

崑山石

平江府崑山縣石產土中多為赤土積漬既出土倍費挑剔洗滌其質磊砢巉岩透空無聳拔峰巒勢扣之無聲土人唯愛其色潔白或栽植小木或種溪蓀於奇巧處或置立器中互相貴重以求售至正初杭州臯亭山後太山出

石與崑山石無分毫之異

江華石

道州江華永寧二縣皆產石石在亂山間於平地上空礮積疊而生或大或小不相粘綴江華一種稍青色一種灰黑間有巉岩之勢其質側背麓澁枯燥扣之有聲未見絕奇巧者惟永寧所產大者十數尺或二三尺至有尺餘或大如拳或多細碎每就山採石散處地上莫知其數蓋率皆奇怪大抵各隨人所欲既擇絕佳者多爲泥土苔蘚所積以水漬一兩日用磁末痛刷一種微青一種微黑其質堅潤扣之有聲或偏多切坎頗類太湖彈子窩峰巒礪岩四面亦多透空嶮怪萬狀或有數尺若太山之氣象千岩萬壑羣峰環遶中有谷道拽脚類諸物像不可槩舉非人力能爲之大抵其石多白脉又有如大山之顛合三兩峰間因石脉相連數道而成瀑布直落澗壑凡遇石塞路迸濺卽散漫分流石之兩邊如圖寫之狀

常山石

衢州常山縣思溪又地名石洪或云空字石出水底側垂如鍾乳雜沙泥不曰聯接採人車戽深水甚難得之或大或小不踰數尺奇巧萬狀多勢令質每一石則有聯續尖銳十數峰高下峭拔嵌空全若大山氣勢亦有如拳大者又於巉岩竇中出石筍或欹斜纖細互相撐掛之勢蓋石生溪中爲風水衝激融結而成奇巧又峰巒聳秀有洞穴

委曲相通底坐透空堪施香燼若烟雲縈遶亂峰間一種色深青石理如刷絲捫之輒隱手又一種青而滑或以磁末刷治而然率皆溫潤扣之有聲間有質朴全無巧勢者石性稍礪不容人爲非靈壁可增嶮怪

開化石

衢州龍游縣深土中出石磊砢或巉岩可觀色稍燥扣之有聲又地名驚灘亦多產石水中色稍青潤石質骨竈而肉細卒皆全質間有峰羣前後羅列若大山氣勢比之思溪無巖峯勢扣之亦有聲

澧州石

澧州石產土中磊砢而生大者尺餘亦有絕小者頗多嶮怪巉岩類諸物狀其質爲沙泥積漬費刷工治石理遍鋪絲捫之隱乎色青白稍潤間有白脉籠絡土人不知貴士大夫多攜歸裝綴假山高視之頗匪蕩諸奇峰

英石

英石含光真陽縣之間石產溪水中者數種一微青色間有白脉籠絡一微灰黑一淺綠各有峰巒嵌空穿眼宛轉相通其質稍潤扣之微有聲又有一種色白四面峰巒聳拔多稜角稍瑩徹面面有光可鑒物扣之有聲採之人就水中奇巧處鑿取之此石處海外度遼賣人罕知之然山谷以謂象江太守費萬金載歸古亦然耳頃年東坡獲雙石一綠一白因爲仇池又鄉人王廓夫亦嘗攜數塊歸高

尺餘或大或小各有可觀方知有數種不獨白綠耳
江州湖口石有數種或在水中或產水際一種青色渾然
成峰巒岩壑或類諸物狀一種匾薄嵌空穿眼通透幾若
木板以利刀剡刻之狀石理如刷絲毛亦微潤扣之有聲
土人李正臣蓄此石大爲東坡稱賞目之爲壺中九華有
百金歸買小玲瓏之語然石之諸峰間有外來奇巧相粘
綴以增嶮怪此種在季氏家頗多適偶爲大賢一顧彰名
今歸尚方久矣又有一種挺然成一兩峰或三四峰高下
峻峭無拽脚有向背首尾相顧或大或小土人多綴以石
座及以細碎諸石膠漆粘綴取巧爲盆山求售正如僧人
排設供具兩兩相對殊無意味意

袁石

袁州萬載縣去縣十餘里石無數出田野間其質嶙峋微
青色間多峰巒岩竇四面又有石罅中上下生小林木蒼
鬱可喜或高三四尺或五六尺全如太山氣勢經行凡數
百步不斷目地名爲亂石里土人以石占田隴有妨布種
恨之不去惜乎地遠人罕知之

平泉石

平泉石出自關中考之李德裕平泉莊記草木花石之美
其石產水中每獲一奇皆鐫有道二字頃年余於潁昌杜
欽益家賞一石雙峰高下有徂道挺然長數尺許無嵌空
岩竇勢其質不露圭角磨礪光潤而青堅於石罅中鐫有

道二字扣之有聲

兗州出石如蝎色謂之栗玉有巉岩峰巒勢無穿眼其質甚堅潤扣之有聲堪器頗費鐫礪土人貴重之與北虜所產栗玉頗相對但見峰巒一律耳

永康石

蜀水永寧軍產異石錢遜叔遺余一石平如板厚半寸闊六七寸於面上如鋪一紙許甚潔白上有山一座高低前後凡十數峰劇有佳趣如木葉

衡州來陽縣土中出石磊砢巉岩大小不等石質稍堅一種色青黑一種黃而斑四面奇巧扣之無聲可置几案間小有可觀襄陽府去城十數里有山名鳳凰地中出石植

長尺許或如拳者巉岩險怪往往如大山勢色稍青
有如灰褐者扣之有聲土人不甚重政和年間惟鎮江蘇仲恭留臺家有數塊置几案者間

鎮江府去城十五里地名黃山鶴林寺之西南又一山名峴山在黃山之東皆產石土中小者或全質大者或鐫取相連處嶮怪萬狀色青潤而堅扣之有聲間有色灰褐者石多穿眼相連通可出香

鎮江蘇仲恭留臺家有石如蹲獅子或如睡鴻鵠羅列八九株太守梅知勝因之爲蘇氏排衙石又有一石筍高九尺餘混然天成目之爲棟隆悉歸內府矣崇寧間米元章取小石爲硯山甚奇特峴山石多青潤而產黃山者色多

土脉少有可鑄治者廣南清溪鎮云三五十里土中山石
嶮怪一種色甚青潤扣之聲韵清越一種色白頃年蘇仲
恭家置於几案間有七八石甚奇巧此石所產相隣青綠
坑尤奇於他處

刑石

刑州西山接太行山山中出石石色果小有峰巒奇巧亦
可置几案間工人往往採石爲硯名曰烏石頗發墨稍燥
蘇仲恭有三研樣製殊不俗韶州之東南七八十里地名
仇池土中產小石峰巒岩竇甚奇巧石色青潤扣之有聲
頗與清溪品目相類

盧溪石

袁州石出溪水中色稍青黑有嵌空嶮怪勢大者高數尺
鮮有小巧者唐盧肇隱居草堂溪水之側堂前立一大石
高丈餘三峰九竅甚奇怪自謂盧溪石崇寧間欲輦置內
府以石背多有前人刻回邊不脫其底山色背青黑溫潤
而堅利刀不能刻扣之聲清越目爲江山小平遠遜叔得
自蜀中部使者云出自永康軍後少見偶者

排牙石

臨安府府署之側一山甚高名拜郊臺錢氏故跡向山之
顛嶮峻處兩邊各有列石數十塊從地生出者峰巒巉岩
穿眼委曲翠而堅謂之排牙石

品石

建康府有石三塊頗雄偉岩洞嶮怪色稍蒼翠遍產竹木茂鬱可觀石罅中有六朝唐宋諸公刻字謂之品石

永州署依山廳事之東隅頃歲太守黃叔豹因其地稍露山谷除治積壤十餘尺得真山一座凡八九峰岩洞相通翠潤可喜遍有唐人刻字於諸峰之側甚奇古有一石橫尺餘聯綴石上全若水禽因引泉水灌穿岩竇其石正浮水面亦有唐人刻字目之爲鷓鴣石又羣山之復下廣二頃餘率皆怪石羅布田野間或爲屈人蔽野隱元次山躬萬石亭於羣山之顛石筍所產凡有數處一出鎮江府黃山一產商州一產益將諸郡率皆臥生土中採之隨其長短就而出之或有斷而出大者三二尺小者尺餘皆微著

土其質挺然尖銳或偏側有三兩面紋理如刷絲起隱於石面或得澗道輒扣之或有聲石色無定間有四面停者又有高一二丈首尾一律用斧鑿修而成

襲慶府泰山石產土中大小踰三四尺間有磊砢砢小者色灰白或微青色亦有嵌空嶮怪勢其質甚軟可施鐫礪土人不甚珍愛峰山在襲慶府鄒縣山土中產美石間有岩穴穿眼眼不甚宛轉深邃亦有峰巒高下無巒嶽勢其質堅礦不容斧鑿色若接藍或字語或時忌遂止之

湖州西門外十五里有下山在羣山最爲崒崒頃朱先生所居產石奇巧羅布山間巉岩礪砢色類靈璧而青潤尤勝葉少蘊得其地蓋堂以就其景故號石林石上皆有李

唐游人題字自顏魯公而下悉署焉又州之西北鳳凰山後地名前山於亂篠間有石生土中下多流泉石質嵌空嶮怪往往多穿眼青翠如湖口悉高大鮮有小者宣和間嘗使土人取之重不可致今有數塊留道傍

涵碧石

婺州東陽縣之南五里有涵碧池唐令子典宗得其勝槩鑿池面瀑布有二大石魚置沼面魚之前有石一塊高二二許嶮岩可觀石之半間凹然如掌羅江東昔避地著書嘗以爲研好事者每往遊覽劉禹錫有詩在集中

吉州石

吉州安福縣之東二三百里有秀嶺石產土中不相聯其質若青潤扣之有聲間有兩三面或混然室塞或數尺無小者又有白馬廟去縣之東二十來里中亦出石石質稍青或稍白四面嵌空嶮怪萬狀又有佛僧潭在縣之西四五里石產潭在上土中亦青潤嵌空穿眼宛轉扣之或有聲又有一種如大山四面巖峯勢間有小巧者或云潭遠處則皆枯燥無聲色亦灰白又縣西六十里慶雲鄉地名久石岩山極高峻中有一岩深邃可容千餘人岩之側土中出石或大或小嵌空嶮岩四面特勢少有穿眼多類物像宛然天成凡此四種若白馬廟石加之青潤又全美矣

全州石

全州湘江一帶沂流而上江邊兩岸峽處間有土石山懸石如鍾乳嵌空巉岩萬狀扣之聲清越之石色類靈璧青翠可喜余舟過石側擊取數塊高尺餘甚奇巧

何君石

臨江軍新塗縣玉笥山玉梁澗有洞名何君按圖經十人避秦九人仙去獨何君爲地仙居其洞故因號爲岩洞透邃中有石棋枰山之前後間產巨石皆嶮怪昔何君洞有一石懸於洞口其狀如雲廣數尺巉岩秀碧扣之無聲土人何氏擊取置亭榭中

蜀潭石

均州高安縣之東北有水出自豐城號濟步江口入四十里地名蜀潭水中多產巨崙四面無崕翠勢穿眼委曲不甚蒼翠鮮有小巧者

洪岩石

饒州樂平縣東山鄉地名洪岩有三洞名木梓樹水岩各有岩穴炬火而入自水岩山半間可下數十丈方到底聞水聲如雷窮之卽無水源其洞中有石田鍾鼓磬仙人帳若人力所爲其山高下巉岩翠碧穴中有石佛羅漢相儀如生高十餘尺

韶石

韶州黃牛灘水中產石峰巒巉岩百怪其色或灰扣之微有聲凡就水採取質皆枯燥須用磁末刷治卽色稍青其

質頗與道州永明石品相類間有奇巧小者

袁石

袁州分宜縣二十里有五侯嶺侯或猴字不詳其名嶺上四傍皆山石峯巒峭絕若劃裂摧倒勢其嵌空多狙猿凡山下石或立或仆當是山上飛墮者石色紺青不潤澤玲瓏奇怪萬狀間有數人可遠致者臨江士人魯子明有石癖嘗親訪其處以漁舟載歸瀟灘列置所居又去縣十里有石洞名洪湯游者炬以入聞有十六室詭怪百狀又有石乳石田牛羊鍾鼓凡倉廩藏榻之類凡石高數丈段有邊幅如有船檣所駕飽疾風狀石曰頃畝與無異真凡洞高處刻唐人題字彷彿可辨父老云是晉葛洪婁陽二仙

所隱得名其洞穴清邃不可徧覽頃一道人結庵輒至其室資糧秉炬才歷數穴至聞洞上有篙撐船聲駭懼返

萍鄉石

袁州萍鄉縣距縣百來田土地名石觀突九一山石洞穴深六七丈岩上悉石如鍾乳高低無數嵌空險怪奇秀可去古山之側近例皆有怪石隱草木中土人不知貴

修口石

洪州分寧縣地名修口深土中產名五色班斲全若玳瑁石理間或成物像扣之稍有聲工人就穴中鑄礮爲器頗精緻見風卽勁亦堪作研粗發墨

雲林石譜中卷

魚龍石

澤州湘鄉縣山之顛有石臥生土中凡穴地數尺見青石卽揭去謂之蓋魚石自青石之下色微青或灰白者重重揭取兩邊石面有魚形類鰻鯽鱗鬣悉如墨描穴深二三丈復見青石謂之載魚石石之下卽著沙土然擇選取尾相隨游泳或石紋斑剝處全然如藻荇凡百十片中無一二可觀大抵石中魚形反側無序者頗多間有石中兩面如龍形作蜿蜒勢鱗鬣爪甲悉備尤爲奇異土人多採取以生漆點綴成形但刮取燒之有魚腥氣乃可辨又隴西地名魚龍拙地取石破而得之亦多魚形與湘鄉所產不

異豈非古之陂澤魚生其中因山頽塞歲久土凝爲石而致然杜甫有水落魚龍夜山空鳥鼠秋正謂隴西爾

菜石

菜州石色青點透明斑剝石理縱橫潤而無聲赤白色未出土最軟工人取巧鑄礮成器甚輕妙見風卽勁或爲錯銚久堪烹飪有益於銅鐵

糯石

糯州朱陽縣石產土中或在高山其質甚軟無聲一種色深紫中有白石如圓月或如龜蟾吐雲氣之狀兩兩相對工人就石段揭取用藥點化鑄治而成間有天生如圓月形者極少得之昔歐陽永叔賦雲月石如蟾特爲奇異又有一種色黃白中有石紋如山峰羅列遠近澗壑相通亦是成片修治鑄削度其巧趣乃成物像以手攏之石面高低多侷研屏置几案間全如圖畫詢之工人石因積水浸漬遂多斑爛

階石

階州石白產土中性甚軟扣之或有聲大者廣數尺工人穴中鑄刻佛像諸物見風卽勁以滑石末治令光潤或磨礮爲板裝製硯屏瑩潔可喜凡內府遣採金龍玉簡於名山福地多用此石以朱書之

登州石

登州海岸沙土中石潔白或瑩徹者質如黃實粒粒圓熟

間有大者或如櫻桃土人謂之彈子窩久因風濤激而生
松花石

婺州永寧縣松林頃因馬自先生在山一夕大風雨忽化
爲石仆地悉皆斷截六者徑三二尺尚存松節脂脉紋土
人運而爲坐具至有小如拳者亦堪置几案間者

穿心石

襄州江水中多出穿心石青色黑而小中有小竅土人每
因春時景向水中摸之以卜子息亦難它石頃年家弟守
官偶步水際獲一青石大如鶯卵白脉如以粉書草字兩
行把玩累日爲貴公子奪去復搜求之不可再得

洛河石

西京洛河水中出辟石頗多青白間有五色斑斕其最白
者入鉛和諸藥可燒變假玉或琉璃用之

零陵石燕

永州零陵出石燕昔傳遇雨則飛頃歲余涉高岩石上如
燕形者頗多因以筆識之石爲烈日所暴偶驟雨過凡所
識者一一墜地蓋寒熱相激送落不能飛爾土人有石板
上磊砢如燕形者相州之北數十里地名梨園漳河水中
出石數種或如濃墨圓點成紋如深黃匾頭頗堅潤土人
謂之薑鼓石堪琢爲器物亦磨作鎮紙其價甚廉

西蜀石

西蜀水中出石甚堅潤色黧白石理遍有匾紋如頭大中

雲林石譜 中卷 三
有紋如桃杏花心土人鐫礪爲龜蟾鎮紙又一種紋理如濃墨勻作圈點尤溫潤又有一種微黧黑石理稍麓澁又一種斑黑光潤龜背上作盤蛇勢或白或朱土人以藥點飾謂之玄武石

瑪瑙石

峽州宜都縣產瑪瑙石外多砂泥積凡漬擊去麓表紋理旋繞如刷絲間有人物鳥獸雲氣之狀土人往獨求售轉曷於市

瑪瑙石

泗州盱眙縣寶積山與招信縣皆產瑪瑙石紋理奇怪宣和間招信縣令忘其名獲一石於村民大如升其質甚白旣

磨礪中府黃龍作蜿蜒盤屈之狀歸寘內府

奉化石

明州奉化縣諸山大石中凡擊取之卽有平面石色微黃而稍潤扣之無聲其紋橫裂兩道如細墨描寫一帶吏徑寒林烟霧朦朧之狀或如濃墨點染成高林與無爲軍所產石屏頗相類但質頑礪凡鐫治旋薄則縱橫斷裂亦可加工人磨礪爲硯屏土人不知貴

吉州石

吉州數十里土中產石色微紫扣之有聲可作研甚發墨但膚理頗礪燥較之永嘉華嚴石爲研差勝土人亦多鐫琢爲方斛諸器

金華石

婺州金華石山有石如芋蹲伏余於寺僧見之耳角尾足彷彿形似高六七尺傳云黃初平叱石之山正與筆談中所載無異但未見偶者

松滋石

荆南府松滋縣溪水中出五色石間有瑩徹紋理溫潤如刷絲正與真州瑪瑙不異土人未知貴

菩薩石

嘉州峨眉山石與五臺山石出岩竇中名菩薩石其色瑩潔狀如大山狼牙信州水昌之類映日射之有五色圓光其質六棱或大如棗栗則光彩微茫間有小如櫻珠則五色粲然可嘉

于闐石

于闐國石堅土中色深如藍黛一品斑斕白脉點點光粲謂之金星石一品色深碧光潤謂之翡翠屢試之正可屑金潤而無聲然石之一段九廣刃餘擇其十分之一工無纖毫瑕玷者極妙故所產處貴翡翠而賤金星

黃州石

黃州江岸與武昌赤壁相對江水中石五色斑斕光潤瑩徹紋如刷絲其質或成諸物像率皆細碎頃因東坡先生以餅餌易於小兒得大小百餘枚作怪石供以遺佛印後亦爲士大夫所玩採

華巖石

溫州華巖川石出水中一種色黃一種黃而斑黑一種色紫之石從上第一層謂之頂石皆紫第二腰石或有眼或無眼第三腳石卽無眼大抵有眼石在本岩中尤細潤下岩石謂之鵠鵠眼上岩下穴謂之鸚哥眼上岩下穴謂之鷄翁猫兒眼半邊山謂之雀兒眼鸚哥眼土人以此別之小湘石在端淵之西四十里石色紫稍燥間有眼者類雀兒眼但無瞳子後歷石在端之北十里色赤紫石極細不甚潤石性極軟間有眼者但一兩暈蚌坑在下岩山之下一小溪今其歲久中山崩落之石久爲風日所侵性堅縷極不發墨石色正紫瑩淨間有眼無層暈色駁雜大抵諸石在穴中正如石榴子隔瓜瓠中有其質謂之各有石璞籠絡中有硯村大小旣施斧鑿十分之十可得三四許又有一種圓如瓜瓠中有其質謂之子石尤佳極鮮得之下岩之價二十倍於山岩下穴上石下穴之價十倍於半邊山諸穴半邊山價十倍於小湘價倍於蚌坑後品歷絕亦不過十來千

白馬寺石

河南府白馬寺之野中每水邊雨過土中多獲細石頗碎一種色深紺綠類西蕃馬價珠一種色稍次一種色淡綠紋理多斑剝鮮有瑩淨者間有刻成物像其大不過如梅李色深綠者價甚窮此石產外圓蓋洛西故都之地卽有

之又有於土中獲銅帶鉤填以七寶雜諸細石粲然可喜
密石

密州安丘縣瑪瑙石產土中或水際一種色滿青一種瑩
白紋如刷絲盤繞石面或成諸物像外多麤石結絡擊而
取之方見其質土人磨治爲牙頭之類以求售價頗廉亦
不甚稱至有材人枚纔寸許跳擲頃刻卽死

溜州石

溜州石其質甚白紋理偏有斑黑鱗鱗如雲氣之狀稍潤
扣之稍有聲土人鑄治爲方斛諸器

昂州祈闈出石石中有黃土目之爲太一餘糧色紫黑其
質磊砢大小圓匾外多精緻碎石滌盡黃土卽空虛間有
小如拳者可貯水滴或栽植菖蒲水窠頗佳

壽春府壽春縣紫金山石出土中紫色琢爲硯甚發墨扣
之有聲余家舊有風字樣硯甚發墨特輕薄皆遠古物
絳州石出土中其質堅礦色稍白紋多花浪頗類牛角土
人謂之角石堪琢爲研雖可研丹砂滑而不發墨

辰州蠻溪水中產石色黑語蠻取以礮刀每洗滌水盡黑
因名墨石扣之無聲彷彿如階州者土人琢爲方斛器物
及卽材粗佳

臨江軍新塗縣十里地名白羊角凌雲嶺頂上平如掌皆
古時寨基地中往往獲古箭鐵鋒而以脊其廉可劇其質
則石長三四寸許間有短者此孔子所謂楛矢石矟肅慎

氏之物也按禹貢荊州貢砥礪砮丹惟箇輅楛梁州青鏐銀鏤砮磬則楛矢石砮自禹貢以來貢之矣春秋時隼集于陳庭楛矢貫之石砮長又有起又有石甲葉形如龜背紋稍厚石斧大如掌有貫木處率背青堅擊之有聲

上猶石

處州上猶縣山土中出石微紫質稍麤多淺黑斑點三兩暈綠色堪作水斛或闌檻好事者往往鐫礮甃地面全若玳瑁

螺子石

江寧府江水中碎石謂之螺子凡有五色大抵全如六合縣靈岩及他處所產瑪瑙無異紋理瑩視石面望之透明溫潤可喜

雲林石譜中卷終

皇朝詩話
卷八

四



國家圖書館, NATIONAL CENTRAL LIBRARY, TAIWAN, R.O.C

雲林石譜下卷

栢子瑪瑙石

黃龍府山中產栢子瑪瑙石色瑩白上生栢枝或黃或黑甚光潤頃年白象享奉使北虜虜主遺以一石大若桃上有鵠鵠如荳許栖栢枝上頗奇怪又有一種多中空不瑩徹余獲一塊如棗大好貯藥數百粒

寶萃石

台州天台縣石名寶萃出土中其質頗與萊州石相類扣之無聲色微白紋理斑斕土人鑄礮作器皿稍工或爲鐺銚凡經火不甚堅

石州石

石州產石深土中色多青紫或黃白其質甚軟頗類桂府滑石微透明土人刻爲佛像及器物甚精巧或雕刻圖書印記字劃極精妙

鞏石

鞏州舊名通遠軍四門寨石產深土中一種色綠而有紋目爲水波斲爲硯頗溫潤發墨宜筆其穴歲久頽塞無復可采先子頃有大圓硯贈東坡公目之爲天波

燕山石

燕山石出水中名奪玉瑩白堅而溫潤土人琢爲器物頗混真

韶石

韶州石綠色出土中一種色深綠可鐫礪爲器一種青綠相兼磊砢或如山勢者一種色細碎雜砂石以水烹研作數品人顏色用大抵穴中因銅苗氣薰蒸卽此石共產之

桃花石

韶州桃花石出石中其色粉紅斑斕稍潤扣之無聲可琢器皿或爲紙鎮

端石

端州今爲肇慶府石出斧柯山距州三四十里所謂羚羊峽對山也凡四種曰岩石曰小湘石曰後歷石曰蚌坑而岩石最貴山極高峻以漁舟入一小溪卽蚌坑水陸行七八百步至下岩十許步至上岩自上岩轉而南凡百餘步

至龍岩上岩各三穴下岩一穴半邊山岩凡十餘穴然必
以下岩爲勝龍岩乃唐初取研處也正紫而細潤不及下
岩後得下岩龍岩遂不復取之今下岩石盡遂取諸半邊
岩近亦岩矣獨上岩可取之下岩一穴泉水溢歲久石屑
崩塞雖千人終歲功亦不可得之凡北壁石石水底石色
乾則灰青紫色溫則深紫眼正圓有瞳子暈十數重綠碧
白黑相間如畫青綠處類翡翠色南壁石則水半石也上
岩三穴則土地岩中穴卽梅珠岩下穴今俗呼爲中岩上
穴中穴今已塞矣而下穴中亦能開路采石之處下無積
水上有泉滴如飛雨石色乾濕與下岩同但稍多紫色北
壁者與下岩南壁相類下穴南壁者石色以微帶黃色眼

有瞳子暈七八重青黃綠白黑相間已不及北壁眼無暈
矣上穴中穴石色益黃其眼亦赤黃色半邊山諸岩曰大
秋風曰小秋風曰獸頭曰獅子曰桃花曰河頭曰新坑曰
黃坑其石亦類下岩但眼暈只三四重色赤白青碧可愛
惟層暈稍駁雜耳凡岩石有兩壁各石三層之上卽覆石
也石色燥甚下卽底石也石色雜雖潤不發墨凡三層石
理有橫紋微麓扣之無聲稍潤土人鑄治爲方圓器紫者
亦堪爲研頗剉墨

婺源石

徽州婺源石產水中皆爲硯材品色頗多一種古理有星
點謂之龍尾蓋出於龍尾溪其質堅勁大抵多發墨前世

多用之以金星爲貴石理微麤以手擘之索索有鋒鋸者尤妙以深溪爲上或如刷絲羅紋棗心或如瓜子或如眉子兩兩相對又一種色青而無紋大抵石質貴青潤發墨爲最又有蘄門縣文溪所產色青紫石理溫潤發墨頗與後歷石老堅近時出處價倍於常土人各以石材厚大者爲貴理微麤以手擘之又徽州歙縣地名少溝出石亦青潤可作研但石理頗堅不堪剉墨其紋亦有絲者土人不
知貴

通遠石

通遠軍卽古渭州水中有蟲類魚鳴或作覓之聲土人見者多以挺刃或堅物擊之多化爲石石色青黑溫潤爲礪

日之爲覓石或長尺餘價直數千凡兵刃甲此磨治者
光不鏽

六合石

真州六合縣水中或沙土中出瑪瑙石頗細碎有絕大而
純白者五色紋如刷絲甚溫潤瑩徹土人擇紋采或斑斕
點處就巧碾成佛像

蘭州石

蘭州黃河水中產石絕有大者紋采可喜間於羣石中得
真玉璞外有黃膜又有如佛像墨青者極溫潤可試金頃
年余獲一圓青石大如柿作鎮紙經宿連蘭冊輒溫潤後
以器貯之凡移時有水浸潤一日墜地破而爲三日段空

有小魚一以此石疊爲牆垣有大如斗許者頃因官中搜求其價數十倍

台州黃岩縣有山名方山其山之巔狀如斗因以得名凡地中所產石不以巨細有數色率皆方形其質稍麗

鸚鵡石

荆南府有石如巨碑仆路隅色淺綠不甚堅名鸚鵡石擊取以銅盤磨其色可靖笙

紅絲石

青州益都縣紅絲石產土中其質赤黃紅紋如刷絲瑩繞石面而稍軟扣之無聲琢爲研先以水漬久乃可用蓋石質燥渴頗發墨唐林甫彥猷頃作墨譜以此石爲上品

石綠

信州鉛山縣石綠產深穴中一種融然爲山岩勢不甚堅一種稍堅於綠色中反如刷絲極深者鑄礮爲器向明示之頗光燦閃色又有一種淡綠或細碎者入水烹研可裝飾

無爲石

無爲軍石產土中性甚軟凡就土揭取之見風卽勁兩面多栢枝如墨描寫石色帶紫或灰白間有紋理成岡巒遍列空林中有徑路全若圖畫之狀頗奇特又有彷彿類諸物像土人裝治爲屏頗自然勝稀略諸石

泗石

泗州竹墩鎮瑪瑙石出沙土中其質磊砢外多沙泥積漬或水灰粉籠絡凡擊去麓面中有本色微青白稍瑩徹無刷絲紋土人治爲器物頗不爲珍貴

礬石

鶴巢中有石亦名礬或如鷄卵色灰白鶴於巢側爲泥池多置鰕鰕之類畜水以此石養之每採取則吞而飛去頗難得頃年溫州瑞安縣佛舍嘗有鶴巢因端午晨朝一人忽登屋謀取爲人所捕致詢訟之云竊取可以致富不利於寺今本草所載礬石凡有數種產漢川武當西遼諸處舊巢中最佳鶴常入水冷故取以壅卵令熱今不可得之

建州石

建州石產土中其質堅而稍潤色極深紫扣之有聲間有如荳班點不甚圓亦有二兩重石暈琢爲硯頗發墨墨以石點名鴿眼作端石以求售

汝州石

汝州瑪瑙石出沙土或水中色多青白粉紅瑩徹少有紋理如刷絲其質頗大堪治爲盤盒酒器等十餘年來方用之

鍾乳

廣連灃柳等州多鍾乳洞洞有石龜蛇蟾蠃蝦蟇及果蓏不一堅質或顏色如生蓋因鍾乳汁點化成石余頃年屢於洞中獲此數種考之本草戰飄出又一般入洞穴年深

亦然因知鍾乳點化無疑

飯石

婺州東陽縣雙林寺傅大夫道場山中產石凡有青白綠紫色皆瑩徹謂之飯石質砢研堪治爲素珠或作紙鎮

墨玉石

西蜀諸山多產墨玉在深土中其質如石色深黑體甚輕軟土人鑄治爲帶 或器物 極光潤

南劍石

南劍州黯淡溪水出石石質深青黑而光潤扣之有聲作研發墨宜筆工人琢治爲香爐諸器極精緻東坡所云鳳味研是也

石鏡

永州祁陽縣浯溪山岩之側有立石一片廣數尺色深青潤光可照物十數步土人謂之石鏡近杭州臨安縣山中一石光明如鏡頗同

琅玕石

明州昌國縣沿海近淺岸水底生琅玕石狀似珊瑚或高三二尺尤繁茂漁獵者多得之初出水色甚白經久微紫黑紋理如薑枝一律遍多圓圓跡扣之有聲稍燥土人不甚貴西北遠方往往多裝治假山

菜葉石

漢州郡菜葉玉石出深水凡鑄取條段廣尺餘一種色如

藍一種微青面多深青斑剝透明甚堅潤扣之有聲土人澆沙水以鐵刃解之成片爲響板或界方壓尺亦磨礮外爲器

滄石

滄州海岸沙中出石石質長短不等色白如粉似細條縈織石面謂之絡絲石甚軟燥而無聲每見裝綴假山餘無所用

方城石

唐州方城縣石出土中潤而頗軟一淡綠一深紫一灰白色石質細膩扣之無聲堪鑄治爲方斛器皿紫者亦堪作研頗精緻發墨

登州石

登州下臨大海有沙門土中鼉磯島多產黑白石磨礮爲棋子又有車牛大竹小竹凡五島唯沙門甚近石有挺然而出者頗焦枯它處者紫翠岩巉出波濤中透美五色斑斕或如金文者熙寧間士大夫就諸島上取石十二枚皆粲然奇怪船舶載歸南海爲東坡稱賞之

玉山石

信州玉山縣地名賓賢鄉石出溪澗中石色青潤扣之有聲土人采而爲研頗剉墨比來裁製新樣如蓮杏葉頗適人意中山府土中出石灰黑燥而無聲湯然成質其紋多白尿籠絡如披麻旋繞委曲之勢東坡頃郟中山置一石

於燕處目之爲雪浪石

杭石

杭州石出土中色多潔白扣之無聲其質無峰巒勢偏多磊砢若桃李大尖銳或如珠砂有稜角望之光

大沱石

歸州石出江水中其色青黑有紋斑斑如鷓鴣質頗麗可爲研土人互相貴重甚發墨峽人爲江水謂沱故名大沱石

青州石

青州石多紫全產深土中可琢爲研其質稍麗不甚發墨土人多用之

龍牙石

潭州寧鄉縣石產水中或山間斷而出之多龍牙石色紫稍潤堪治爲研亦發墨土人頗重之

石棊子

鄂州沿江而下隔羅湫之西土名石匱頭水中產石如自然棊子圓熟匾薄不假人力黑者真試金白者如玉溫潤山下有老姥粥此石以爲生相傳神憐媪故以此給之

分宜石

袁州分宜縣江水中產石一種紫色稍堅而溫潤扣之有聲縱橫不過六七寸許亦惜乎地遠希罕不可常得土人於水中

採之磨爲硯發墨宜筆但形製稍朴須藉鐫礪

鍾乳石

婺州金華縣智者三洞洞中產石巉岩如雪洞上間有懸
石如鍾乳色灰白嵌空余項於洞上獲一石大如拳高數
寸若二龍交尾纏繞鱗鬣爪甲悉備石之中有數竅因植
溪蓀爲好事者求去亦疑鍾乳點化所成又洞中有石鼓
石磬擊之各有聲

雲林石譜下卷終